



Fasnacht 2023

Mir sind nit dr Schorsch vom Hafe-Beggi zwei
Mir sind d`Spätzli und sind au nit so chlei
Und wenn mir emol duen euch winke
Hätte mir zwei gärn öbis z`trinke

Und goot dä Bangg drnäbe Düen mir uns uff d`Hauptsroos kläbbe

Ändli wieder Fasnacht mit Waggis, Clique, und Guggä Schränzä
Ä Mählsuppe, ä Brotwurscht, und mit Bier fülle mir dr Ränzä
z`Obä in de Beize herrscht herrligs Maske triebä
Und ändli wieder ä Bangg über d`Schwoobä schriebä

Eins das wär vermässe Wenn mr do Zürcher würde vergässe

Z Basel chasch, jo zum spaare
Mit dr goldigä Blaggedde ufem Rhy go Schiffli fahre
Z Aesch isch es aimol mee nur zum griine
Do chunsch au mit dr goldige Blaggedde nit emol in z`Sunne ine

Beiz het zue, sie hebe muesse schliesse S het eine gseit er chömm cho Röppli schiesse

Diä ganzi Region isch ganz plötzlich wach
In Aesch ghört me ä Grossä Krach
Jede froog sich was isch das für ä Knalle
Hejo das sind d`Schwoobe wo verbrenne ihri Balle

D`Schwoobä Nati hebt vorem erschte WM Match d`Schnurre zue Ändli ändli hämmer rüeh

Ragete und Kracher hani kauft fyr e Silverter Gägg
Doch wone die ha welle abloo, sinn si wäg.
Mi Frau sait denn, die han ych dir gschoole
Weil ych am Baggomat Gäld bi go hoole.

Wenn s`Gäld niene me aahne längt, jo denn wird halt aifach gschprängt..

Diä Klimaaktivistä mache was sie wänt
Ych sag zue minierä, wiä rächt diä doch hänt
Do seit sie zue mir findisch das nit übertriebä
Ych sag nei, ych bi au grad in dr Wy Galerie chläbä blibbä

Au bim Philippe chläppt sone Aktivist am Bodä und duet prahlä Do sag ych, dass trifft sich guet, chasch grad eine zahlä

D Birsfpuffer füire 50 Joor in Duggigä so richtig toll
D Halle isch usverchauft, so richtig voll
Aber eins het gfehlt, ych sags im letztä Sätzli
Das wär nämmlä xsi mir zwei Spätzli

Ych hör ä jungä von dä Puffer chlaagä Jetzt muess ych au no am Öli si Alphorn am Umzug traagä

Ihm zue z`luegä isch xi äs Gedicht
Aber jetzt isch dr Federer halt Gschicht
Drumm konzerriere mir uns jetzt ufs Schwingä
Nur muesi jetzt bim Sex ganz anderi stellige bringä

Liggt sie denn ufem Rugge und ych will schmutzä Muess ych ihre z`erscht d`Rugge puzä

Do seit mi Frau, du Spätzli ych lieb di ganz fescht
Du bisch für mi eifach dr Bescht
Du bisch für mi dr gröschti Sääge
Do sag ych zue Ihre, ich heiss jo au nit David Däge

Ych hätt dr Alex Frei nit entloo Wie me wieder Ufstiegt, dass duet er verstoo

Cannabis leglisiere in dr Schwiiz, ych bi striggt dr gegä
Glaubet mir diä wännt uns numme legä
Ych has das nämmlä probiert, e Joint graucht ha chumm me chönne laufä
Und ha mit em Vogelchäfig welle Milch go chaufä

Au dr Berset het das Kiffe probiert, ych due nit liegä Drumm isch er mit sim Flugli über Gränzä go fliegä

In dr Stadt unterhalte sich zwei Chinder
Welle Vater isch ächt dr Gschwinder
Dr erschti meint mine goht vom achti bis am fünfi go Schaffe,
Do meint dr zweiti, mine schafft bim Kanton, am zwölfi isch er bereits am Fernseh gaffe

Ä dritte meint mine schafft bi dr BVB und duet Schienä warte Wenn er am zwölfi Füürobä het isch er am Zähni bereits im Garte

Letschte April han ych emol, aber ganz verläge
S`Sächsilüte in TV gluegt, jo duss isch Rägä
Glyy hani gmerkt, das hett gar kai wärt
Es isch scho soo, s`ainzig gscheite dörte das siin Pfärd

Dasch in Zyri s`ainzig Tier, ich mach e wett Wo d`Schnurrä uff em Rugge het.